



□ Lingz Siuyangh / 凌秀香

“Ha! Ha! Gangjriu ndwi, gangjriu ndwi.” Vuzcungj naeuz.

Songde cici haha gangjboq yaep he le, Vuzcungj swqmw h nyinhcaen cam naeuz: “Beixnuengx, ga roen yaek hai guh haenx, aen duenh ndaw singz raeuz…… Mwngez naeuz……”

Yangz gizcangj yenzsuz naeuz: “Beixnuengx ha, duenh roen haenx, raeuz yaek guh, hix aeu lauxlaux saedsaed ciuq gij gvidingh caeuq iugouz bae douzbyauh, aeu goengbingz ceng’ aeu, mbouj ndaej guh rwix guh yak, rox lwi?”

“Deng, gizcangj mwngez gangj ndaej deng, douzbyauh aeu goengbingz ceng’ aeu. Mboujgvaq, raeuz dwg beixnuengx, aeu doxbang doxrex ne, Yangz gizcangj, mwngez naeuz dwg mbouj dwg yienghneix?” Vuzcungj riuhehe naeuz.

“Beixnuengx ha! Gou lij dwg coenz vah haenx, goengbingz ceng’ aeu. Caiq gangj, couhsuenq raeuz dwg beixnuengx, gienh saeh neix mwngez ra gou, gou hix bang mbouj ndaej mwngez ha!” Yangz gizcangj gig haengjdingh naeuz.

“Ndei! Goengbingz ceng’ aeu! Gou rox hane!” Vuzcungj gangj daengz neix, loh bongx gwnz mbaq Yangz gizcangj song mbat, youh naeuz, “Gizcangj, ngoenzneix caeuq mwngez ganggoj baenzlai nanz lo, baenzneix gou couh mbouj cauifanz mwngez lo, mwngez youq gizneix menhmenh yiengjsouh, gou dauqbae gonq lo. Ha, ha……” Gangj le, Vuzcungj couh sim’ angq deuz lo.

Banringz 3 diemj lai cung, ranzbingh dauqdaej ndaej caem yaep he lo. Seizneix yah Lauxliuz cingq bwnq Lauxliuz gwn souh. Canghyw naeuz geij ngoenz neix Lauxliuz caengz ndaej gwn haenxam, cij ndaej gwn souh, lij aeu gwn noix lai donq dem, mbouj ndaej baez he couh gwn boengj, lau ndangdaej Lauxliuz dingj mbouj ndaej.

Swnh Lauxliuz gvanbaz bwnq souh gwn souh, mbouj ndaejhoengq yawj coh baihneix, mehyah Yangz gizcangj laeglemx ndeuqdekdek hai aen daeh Vuzcungj dawz daeuj haenx daeuj yawj……

Lauxliuz gwn vanj souh caengz sat, youh miz vunz daeuj roq dou lo.

Mehyah Yangz gizcangj gipmuengz dawz doxgaiq gyang fwngz yo haeuj ndaw gvihdoengj bae, guh sat doq hwnj ndang bae hai dou.

Baezneix dwg dahsau lengj ndeu byaij haeujdaej. Dah neix byaij roen caeuq bouxwnq gig mbouj doxdoengz, gyaaz niuj hwet niuj caekhaex, mboujgvaq de niuj ndaej cingqngamj daengz giz, yawj hwnjdaej gig ciu vunz. Gyang fwngz de gaem bog vameizgveiq hung ndeu, cigsoh byaij daengz henz ndang Yangz gizcangj, ndenq bogva haeuj ndaw rungj Yangz gizcangj bae, doq ndenq doq sing unqdedded cam naeuz: “Yangz gizcangj, mwngez ndei di caengz?”

“Caengz ne. Song ngoenz neix gou roxnyinh dungxraeng dangqmaz. O! Dwen daengz neix, gou cij ngeix hwnj. Meh yah ha, mwngez okrog bae cawx di maksanhcah dauqdaej hawj gou gwn, sawqsawq ndaej mbouj ndaej hawj dungx gou siu di.” Yangz gizcangj doiq mehyah de naeuz.

Mehyah de miz di mbouj cingznyiengh bae, hoeng, bouxgvan baenzneix gangj, de mbouj ndaej mbouj bae.

Mehyah de baez okdou, dahsau neix couh naengh youq gwnz congz henz ndang Yangz gizcangj. Songde gangj vah da doxliuq swdswd…… Ngamq naengh yaep he, Yangz gizcangj couh heuh de dauqbae lo.

Dah neix lwgfwngez vix dog coh goekrumz Yangz gizcangj, guh’ unj naeuz: “Cij geijlai nanz, mwngez couh gyaep gou dauqbae? Baenzneix simyak! Uengj’ feiq gou simndei daeuj yawj mwngez!”

“Haetromh daengz seizneix, gou caengz ndaej yietnaiq saek yaep, gou aeu yietnaiq yaek he lo. Gvai! Dingqgangj.” Yangz gizcangj yaepda coh dahsau, lij aeu gencueg ungj de hwnj ndang.

Dah neix mbouj ndaej mbouj dauqbae lo. De ngamq ok bakdou, mehyah Yangz gizcangj couh haeujdaej lo, najlaep najndaem dawz daeh maksanhcah gveng youq gwnz congz, mbouj oksing.

“Aeu gaiq maksanhcah daeuj gou hamz. Daengx ngoenz cungj ing naengh gyauej mbonq, hwet gou in caez lo, gou ninz yaep he.” Yangz gizcangj naeuz.

Mehyah de ciuq gij vah de guh, doeklaeng ing bien congz laepda ciengxsaenz.

Lauxliuz gwn souh gvaq le, ing gyauej mbonq hix laepda ciengxsaenz. Meh yah de couh gyauej bamq bien mbonq ninz.

Ranzbingh dauqdaej ndaej caem aiq aen cungdaez lo, daihgya cungj ndaej yietnaiq yaep he.

“Dog dog” song sing, youh miz vunz roq dou. Meh yah Yangz gizcangj bae hai dou.

Ndaejnyi dwg song boux vunz byaij haeujdaej. Lauxliuz gvanbaz yawj cungj mbouj yawj, laihaeuz mbouj dwg daeuj damqyawj songde.

Byawz rox, songde gawqyienz byaij daengz henz mbonq Lauxliuz, doengzseiz sing daemq hemq: “Liu dinghchangj.”

Lauxliuz dingq le, hai da daeuj yawj, doeksaet yat, doq naeuz: “Loz cujsiz! Nungz misuh! Sou baenzlawz rox gou youq aen ranzbingh neix ne?”

Loz cujsiz ndaw fwngz riuj sieng cijvaiz ndeu, Nungz misuh riuj lamz mak he. Songde dawz doxgaiq cuengq youq gwnz gvih henz congz Lauxliuz.

Mehyah Lauxliuz gipmuengz ra daengq hawj songde naengh.

“Dinghchangj, mwngez baenzlawz daeuj aen yihyen iqet neix ne?” Loz cujsiz geizheih cam.

“Dieg neix ndei, dieg neix dinghrwd.” Lauxliuz riunyumj dap naeuz.

Loz cujsiz naeuz: “Dinghchangj, baenzlai ngoenz cij ndaej daeuj yawj mwngez, neix dwg gou guhhong guh mbouj daengz dieg, gou roxnyinh najmong raixcaix. Mwngez gaej geiq haeuj ndawsim bae nw!”

“Ndang gou bienq ndei lo, daeuj yawj gou guhmaz ne? Danhvei hong baenzboengj baenzdong, haeujsim guhhong couh baenz lo.” Lauxliuz naeuz.

Loz cujsiz naeuz: “Gou daiyauj gunghvei daeuj damqyawj mwngez, wnggai ne, neix hix dwg gij hong faenh gou. Bingzseiz mwngez mbouj dwg daengq gou gvaq, naeuz danhvei miz byawz baenzbingh, gunghvei itdingh aeu bae damqyawj, bae camnai, hawj ndawsim cizgungh roxnyinh raeujrubrub, danhvei lij dwg niemh gyoengqde ne!”

“Gou dwg baenzneix gangj gvaq, hoeng, di bingh gou mbouj suenq dwg bingh ndwi, mbouj yungh daeuj damqyawj!” Lauxliuz naeuz.

“Dinghchangj, baezneix mwngez cungj haeuj yihyen daeuj lo, gou wnggai daeuj damqyawj.” Loz cujsiz naeuz. Lauxliuz dingq le itseiz mbouj rox baenzlawz dap vah cij ndei.

Loz cujsiz caeuq Nungz misuh veibau gij hong ndaw danhvei caenhneix coh Lauxliuz. Sam boux de doxlwnh gij saeh danhvei, lwnh ndaej mizyinx dangqmaz. Gyoengqde gangj ndaej aiq miz 40 faencung yienghneix, Lauxliuz couh gyaep songde dauqbae lo, lij naeuz: “Roen gyaep, dauqbae caeuxdi. Gwnz roen aeu menhmenh hai ci, haeujsim ancienz nw. Gaej niemh gou. Aen bak aeu maenh, mbouj cinj hawj bouxwnq rox gou youq neix bw!”

“Dinghchangj, mwngez cuengqsim lo, gou seizlawz mbouj dingqgangj gvaq? Muengh mwngez vaiqdi ndangcangq! Vaiqdi dauq danhvei cijdauj dou guhhong.” Loz cujsiz naeuz.

Lauxliuz caeuq songde gaemfwngz……

Yangz gizcangj yienznaeuz laepda ninz gwnz mbonq, hoeng, Lauxliuz gyoengqde gangj vah, de coenzcoenz dawz haeuj rwz.

Loz cujsiz, Nungz misuh okbae le, Yangz gizcangj lumj siengj daengz maz nei, sikhaek hwnqdaej naengh dwk, siujsim riri cam: “Liu dinghchangj! Mwngez couhdwg boux dinghchangj moq gyauhdunghdingh, Liu Bingjyungz dinghchangj ha?”

Lauxliuz ngaekngaek gyauej.

“Gvaiq mbouj ndaej miz di sugnaj. Gou siengj ndaej daengz lo, gou youq ndaw densi raen mwngez gvaq.” Seizneix Yangz gizcangj najgaej najmong dangqmaz, mbouj rox mbouj nyinh lij dungx mbaeu sim saenz dem. Hwnzde, de daengx hwnz ninz mbouj onj, cungj guh loqyak.

Ngoenz daihngieih, Yangz gizcangj daezgonq okyen lo. Gvaq le 3 ndwen, Yangz gizcangj deng roengzmbaek, doeklaeng lij deng gyaeng dem……

(sat)

